

Yungzsuij: Diuqfoux Gyau Youx Coux Bimoq



12 nyied 28 hauh, Yungzsuij Myauzczuz Swciyen Bwzyinz Yangh Mbanjeuzgouj guh hozdung gyauhliuz foux minzczuz coux bimoq, Myauz, Yauz, Dung, Cuengh, Gun daengj 32 aen doihdiuqfoux daj gij yanghcin henzyawj caeuq Sanhgyangh Duncuz Swciyen daeuj camgya hozdung. Gak minzczuz beixnuengx ndang daenj buhvaq gyaundeidei caemh diuq foux minzczuz, roxnaeuz riengjret lingzvued, roxnaeuz gvaigvet ndeiyawj, gig miz yinxdaeuz minzczuz vwnzva. Yienhciegz lij miz haujlai hozdung doengzseiz guh nauhyied dangqmaz, vunzlai caemhdoi h angqcoux bimoq daeuj daengz. Hozdung aeu foux guh giuz, gyagiengz dangdieg gak yanghcin gak cuz ginzcung gyauhliuz, fungfouq gij ndwenngoengz cingsaenz vwnzva gak cuz ginzcung, gyalae gij cingzngaih gak cuz ginzcung.

(Lanz Gunh/兰瑾)

▲ Gak minzczuz beixnuengx daenj buhvaq minzczuz caemh diuqfoux.

Hocouh: Caemhdoi h Baenz-gya Laeb Fungheiq Moq

12 nyied 27 hauh, Hocouh Si youq Vwnzva Yisuz Cungsim Gvangcangz guh caemhdoi h baenzgya vuenh fungheiq gaij fungsug cawjdaez dwg "gyaez youq Hocouh vuenyungz hwnjroen", yienhciegz gyoengq caenic baengzyoux caemhdoi hohfuk 18 doiq gvanbaz moq, guhcingq gyoengqde hainduj swnghoz moq gyaundeidei. Ciengz caemhdoi h baenzgya neix, gawq dwg guhcingq gyoengq gvanbaz moq vuenyungz hwnjroen, hix dwg gij saedguh sengdoengh Hocouh doicaenh vuenh fungheiq gaij fungsug, fatyienz vwnzmingz fungheiq moq.

(Vangz Yuzhuz/黄旭胡)



▲ Gyoengq gvanbaz moq angqyangz baenzgya.



▲ Boux canghsuiq cingq guh ndangdaenj Yauzczuz.

Ginhsiu: Bimoq Yaek Daengz Ndangdaenj Minzczuz Gaicawx Hoengh

12 nyied 25 hauh, bimoq yaek daengz, youq Ginhsiu Yauzczuz Swciyen, boux cienziep feihyiz caeuq gyoengq canghsuiq cingq gyagaenj guh conzdungj ndangdaenj minzczuz bae gai. Youq dangdieg, vunzlai cungj maij daenj buhvaq minzczuz coux bimoq. Gaenh geij bi daeuj, gij conzdungj ndangdaenj Yauzczuz aenvih yienghsienq lai cungj lai yiengh miz minzczuz daegsaek, vunzlai dangdieg caeuq hekyouz gig gyaez, gaicawx hoengh hawj vwnzva cienziep lai miz rengz.

(Gauh Yuzginh/高如金)

Canghvuz: Hagdangz "Gohgi Hwng"

12 nyied 26 hauh, Vuzcouh Si Canghvuz Daih' it Cuhgiz Cunghyoz guh gaiq daihngaih ciet gohgi. Lauksae hagseng caemh guh gohgi cozbij, yienhciegz cozbij lai cungj lai yiengh gig geizheih, heiqfaenh hagsib gyauhliuz naekna. Vih coicaenh hagseng cienzmienh hwngfat, Canghvuz Yen dinghgeiz youq hagdangz guh hozdung ciet gohgi, cujciz hagseng doenghfwngz guh sawqniemh, gikfat yinxdaeuz gohyoz hagseng, beizyangj cingsaenz cauhmoq caeuq naengzlig saedguh.

(Liz Gezyenz/黎杰源)



▲ Hagseng yungh fwngzgi hgi ndingq raemx.